



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De virgine quadam, qua[m] daemon in specie viri procabatur; item de
viro, cui daemon peccata fictè confessa obiecit; & de puella cuius
deuirginationem prodidit, cap. 6

urn:nbn:de:hbz:466:1-13177

fuit, quem quasi ad fugandum dæmonem de obsesto Prior ad ostium monasterij secum eduxit. Quo viso, mox diabolus per os hominis clamauit; Ego quædam de eo scio, propter quæ eum non timeo. Non tamen permisus est eadē publicare, eo quod minima essent, ne viro sancto verecundiam inferret. Ille verbum intelligens, remordente conscientia intrauit, culparū confessus rediit, & si dæmon adhuc aliquid sciret inquisuit; Respondit dæmon: Adhuc aliqua culpæ vestigia apparent in te, eo quod non sit subsecutus stimulius, plagam virgarum intelligens. Iterum intrauit iuuenis, iniunctā accepit disciplinā, reuersusq; si sciret aliquid interrogauit: Respondente diabolo, periudicū meū nil modō noui de te, satis ædificati sunt frætres. APOLLONIVS: Non modicū me turbat, q; inimicus in sancto viro post confessionem factam aliquod deprehēdere potuit signum peccati. CÆSARIUS: Deus permisit ad eius bonum. Quanto quis perfectior, tanto pro sua culpa delenda esse debet solicitior. Disciplinam iniunctam, quam mox accipere potuit, maximè contra diabolum pugnaturus, differre nō debuit. Nā in supradictis duobus, sacerdote scilicet & seruo militis, quorum confessio neque debita fuit, neque aliqua adhuc exterior pœnitentia subsecuta, diabolus nulla peccati vestigia deprehendere potuit. APOLLONIVS: Placet quod dicis, quia necessitas fuit in causa. Sed nos vellem differentiam inter veram falsamq; cōfessionem. CÆSARIUS: Quanti ponderis confessio sit vera, & quam inefficax confessio sit ficta, per subiecta dinoscere exempla.

CAPVT VI.

TEMPORE illo, quo Scholasticus Colonensis ^{Demoni} Oliuerus crucem prædicauit in partibus Brabantiae, sicut mihi narrauit Bernardus monachus noster, tūc eius collega in prædicatione, fuit ibi ^{virginat} ^{ten: 4110} ^{nisi ne-} ^{quitie.} puella quædam religiosa, & voto virginitatis gloriofa, orta de Niuella. Inuides diabolus tantæ virtuti, in specie viri admodū pulchri satisq; decenter vestiti apparente virgini, cepit illam verbis amatorijs solicitare, ^{clenodia}

DE CONFESSIONE

elenodia offerre, laudare coniugij fœcunditatem, virginitatis vituperare sterilitatem. Cui virgo nesciens quis esset, respondit: Virū ducere non propono. Christi amori nuptias carnales postpone & contemno. Cumque lascivus spiritus nimis esset ei importunus, in diuersis locis ad illam veniens, sciens puella multas esse virgines se pulchriores, nobiliores, atque ditiores, cœpit amatorem fantasticum habere suspe. Etum, ita ut ei diceret: Bone domine, quis vel vnde es, quod tanto mihi desiderio copulari affectatis? Cumque ille inuitus se proderet, & virgo tanto propensiū instaret, tamen dæmon necessitate cōpulsus, confessus est, dicens: Ego sum diabolus. Ad quod verbum illa expauescens, respondit: Ut quid ergo exigis carnale coniungium, quod naturæ tuæ dignoscitur esse contrariū? At ille: Tu tantum mihi consenti, nihil aliud à te nisi copulæ consensum requiro. Ad quod puella respondit: Modò omnino tibi contrādico, fugas illū sanctæ crucis signaculo: veniensq; ad sacerdotem, reuelauit illi dæmonis insidias; à quo satis edocita ne maligno consentiret, reuersa est in domū suā. Dæmon verò post confessionem eam omnē non deserēs, de remoto tamen alloquens, in tātum illam vexauit, ut quilibet immundicias in eius scutellā mitteret cū manducaret; vnde & mulierum custodiæ ei adhibitæ sunt. In quaunque domo illa fuit, illuc dæmon responsa dedit: ab omnibus quidem audiebatur, sed à sola puella videbatur, eratq; tam nequam idem spiritus, ut presentium peccata detegeret, crima impropareret, nec aliquod peccatum eum lateret, nisi quod vera confessio tegeret. Ostendit & alia signa nequitiae sua. Stercora ollasque confractas fimo plenas super confluentes spargebat. Dixerunt ei quidam: Nostī ô dæbole dominicam orationem? respondendo illo: Optimè scio, rogatus illam dicere, ait: Pater noster qui es in cœlis, nomen tuum, fiat voluntas & in terra, panem nostrum quotidianes da nobis hodie, sed libera nos à malo. Et cum plures in eadem oratione fecisset saltus atque barbarismos, cachinnando subjunxit: Ecce, sic vos

Peccata
per verā
confessio-
nē expia-
tio, demō
nō cognō-
scit.



Ecce vos laici dicere soletis orationem vestram. Requisitus etiam de symbolo, dixit se bene & optimè scire, sic incipiens: Credo Deum patrem omnipotentem. Cui cum quidam dicerent: Dicere debes, Credo in Deum; illeque subjungeret. Crede Deo, viri literati, qui tunc erant præsentes, diaboli verbum notantes, & vim accusatiu intelligentes, institerunt ut diceret: Credo in Deum; & non poterant eum ad hoc inducere. APOLLONIVS: Velle & ego scire quid sit credere in Deum. CÆSARIVS: Credere in Deum est per dilectionem ire in Deum; Vnde Saluator ait; Omnis qui vivit & credit in me, habet vitam aeternam. Daemon, sicut dicit Apostolus Iacobus, credit & contremiscit, *Iacob. 2.* sed non diligit. Credit Deum esse, credit verba eius vera esse, sed non credit in eum, quia non diligit eum. Salutationem vero angelicam idem daemon incipere non potuit, cum tamen se illam scire profiteretur. APOLLONIVS: Cum dignior sit oratio Dominica salutatione Angelica, miror cur permisus sit dicere illa, & non istam. CÆSARIVS: Voluit hoc fieri Dominus, tum propter honorem matris, tum propter eminentiam sacramenti suæ incarnationis. Quantæ virtutis sit eadem salutatio, per quam initia est humani generis redemptio, ex sequentibus plenius agnosces. Interrogatus idem daemon, cur ita rauca haberet vocem, respondit; Quia semper ardeo. Dicebat eadem puella; quotiens veniebat ad me, cauit ne eum videre possem a dorso. APOL. Miror quare hoc fecerit? CÆS. Daemones, sicut intellexi ex alia quadam visione, posteriora non habent. Vnde quidam daemon puellæ cuidam apparet frequentius, cum ab ea diuertens semper retrocederet, interrogatus cur hoc faceret, respondit: Licet corpora humana nobis assumamus, dorsa tamen non habemus. APOL. Expecto exemplum, per quod fieri veræque confessionis differentiam cognoscam. CÆSARIVS: Hoc in promptu est. Fuit in vicino vir quidam, qui supra dictum daemonem audire nimis desiderans, propter turpia quædam, quæ commiserat peccata, approximare non audebat, timens sibi illa cora omnibus impre-

*Cof. ffa.
nis fide
et vere,
effictus.*

112 DE CONFESSIONE

improperari: & veniens ad sacerdotem , confessus est
vniuersa, voluntate tamen peccandi retenta : factusq;
ex eadem confessione securior, ad domum venit: Mira
tes; mox vt limen attigit, & introspexit, dæmon in æ-
re clamauit: Amice veni huc, veni, certè te bene deal-
basti. Et statim coram omniibus omnia eius peccata
turpia, licet confessa, prodidit, in tātum illum cōfun-
dēs, vt eadē hora esse voluisset in ortu solis. Tristis ef-
fectus, & conscientia accusante in se reuersus', ad sa-
cerdotem redijt, quæ gesta sunt retulit, confessionem
iterauit, & quia de reliquo emendatiūs viuere vellet,
de corde pollicitus est Deo & sacerdoti. Tunc sacer-
dos, modò, inquit, reuertere securus, non te cōfundet
amplius . Et fecit sic: Intrante eo domum, quidam ex
circumsidentibus dæmoni dixerunt: Ecce amicus tuus
iterū venit: quibus ipse respondit: quis est? Ille inquiūt
cui paulo antè tam turpia peccata impropoerasti. Re-
spondit dæmon: Ego nihil i p̄si impropoeraui , neq; ali-
quid de eo noui mali. Et aestimarunt dæmonē mentitū
fuisse, hi qui hominīs ignorauerūt cōfessionem , sicq;
per virtutem confessionis ipse euasit notam maximæ
confusionis . In eadem domo matrona quædam cum
cateris sedebat, filiam iuuenculam , sicut mos est ma-
tribus, sub pallio tenens, quæ cùm dæmonem nescio
in quo prouocasset, clamauit ipse: Puras filiam tuam
sub tuo mantello sedētem virginem esse? v̄ tibi, malè
eam custodisti. Dicēte muliere, mētiris; respondit ille:
Nequaquam mentior, si non credis, interroga Petronilla,
illa bene dicet tibi veritatē: erat enim eadē Pe-
tronilla mulier quædā stupri puellæ cōscia. His verbis
auditis, mater filiā à se repulit cū indignatione, dices:
Recede a me immūda, nunquā tibi aliquid boni con-
tinget ex parte mea. Illa bene sibi cōscia, simulatis la-
crymis egressa est ejulans, dæmonem mentitum fuisse
affirmans, inspirataq; à Deo ad vicinum cucurrit sa-
cerdotem, commissum peccatum confessā est, & quia
nunquam de cætēro carnem suam illicitè coinquinaret,
promisit. Tūc à sacerdote suāsa, & quid dicere de-
beret diligenter edocta, reuersa est ad matrem , quæ
nondum

s est
usq;
Mira
aē
eal-
cata
fun-
s es-
l sa-
hem
let,
cer-
det
n ex
uus
iiū
Re-
ali-
titū
icq;
mæ
um
na-
cio
am
alè
lle:
tro-
Pe-
bis
cés:
on-
la-
issfe
sa-
uiia
na-
de-
ua-
ma

pondum recesserat a loco , dixitque illi : Verè mater multum peccasti, sine causa me tam grauiter cōfunden-
dendo , & tam immisericorditer repellendo , propter verba dæmonis huius, qui totus mendax est, & pater eius. Cœpitque lacrymari. Commota mater, tam ver-
bis quam lacrymis filiæ, dixit ad dæmonem; Dic ini-
que, ut quid tale crimen imposuisti filiæ meæ? Respō-
dit ille: Quid enim mali locutus sum de filia tua: bo-
na est & munda, nihil de ea mali noui vel dixi. Sicque
puella, sicut vir supradictus, per beneficū confessio-
nis liberata à suspicione fornicationis, ad matris gra-
tiam reducta est. APOLLONIVS: Quid est quòd dia-
bolus stuprum ante confessionem nouit, & Petronil-
lam stupri consciā nominauit, virum verò stupri au-
torem non expressit? CAESARIVS: Satis puto de pec-
cato illum egisse pœnitētiā, per quam diabolo cul-
pæ subtraxerat notitiā. APOLLONIVS: Placet quod
dicis, sed recordor adhuc supradictæ virginis de Ni-
uellena, & non defino mirari, quòd dæmon, cū spiritus
sit, copulam carnalem contra suam naturam concu-
piscat & requirat. CAESARIVS: Nō mirum quòd dæ-
mons feminas procantur, sed quòd illis commiscen-
tur mirabile est valde. APOLLONIVS: Meministi hoc
vñquam contigisse? CAESARIVS: Et memini, & legi,
& vt feminæ cautæ reddantur, quæ fortè hæc quæ di-
sturus sum legent vel audient, diuersa, quæ nostris
contigerunt temporibus, exempla replicabo; quæ vt Lib. 2.
maiorem firmitatem habeant, prius vnum, quod in vita S.
miraculis sancti Bernardi legitur, breuiter præmittā. Bern. c. 6

C A P V R VII.

MVlier quædam in regione Nanneti à quodā De mch.
petulante dæmone sex annis, habito eius cō- bis.
sensu, incredibili libidine vexata est: appa-
ruit ei in specie pulchri militis, & s̄epe abu-
tebatur ea inuisibiliter, marito eius in eodem lecto
cubante, lasciuus ille spiritus. Quæ anno septimo ti-
more correpta, veniente in prædictam ciuitatem san-
cto Bernardo Clareuallis Abbe, misera mulier ad
pedes eius corruit, passionem horribilem & ludifica-

H tione